



Հայաստանի Հանրապետության սնանկության դատարան

Ո Ր Ո Շ ՈՒ Մ

Քաղաքացիական գործը վարույթ ընդունելու և նախնական դատական նիստ
հրավիրելու մասին

<<28>> նոյեմբերի 2023թ.

ք. Երևան

Հայաստանի Հանրապետության սնանկության դատարանի դատավոր Արսեն Բաբայանս, ծանոթանալով ըստ հայցի Համբարձում Կարապետի Նամշալյանի, Մարինե Շադունցի Փիլոյանի, Մելանյա Կարապետի Նամշալյանի, Թագուհի Կարապետի Նամշալյանի (այսուհետ նաև՝ Հայցվորներ) ընդդեմ <<Կոնվերս Բանկ>> ՓԲԸ-ի՝ պայմանագրի նկատմամբ առաջին գործարքի անվավերության հետևանք կիրառելու պահանջի մասին, թիվ ԵԴ/39135/02/21 քաղաքացիական գործի նյութերին

Պ Ա Ր Զ Ե Ց Ի

Համբարձում Նամշալյանի, Մարինե Փիլոյանի, Մելանյա Նամշալյանի, Թագուհի Նամշալյանի կողմից հայցադիմում է ներկայացվել Երևան քաղաքի առաջին ատյանի ընդհանուր իրավասության դատարան ընդդեմ <<Կոնվերս Բանկ>> ՓԲ ընկերության՝ պայմանագրի նկատմամբ առաջին գործարքի անվավերության հետևանք կիրառելու պահանջի մասին:

Երևան քաղաքի առաջին ատյանի ընդհանուր իրավասության դատարանի (դատավոր Ա. Սուքոյան) 14.09.2021 թվականի որոշմամբ հայցադիմումը վարույթ ընդունելու մասին:

Երևան քաղաքի առաջին ատյանի ընդհանուր իրավասության դատարանի (դատավոր Ա. Սուքոյան) 14.09.2021 թվականի որոշմամբ հայցի ապահովման միջոց կիրառելու վերաբերյալ հայցվորների միջնորդությունը բավարարվել է:

29.10.2021թ. <<Կոնվերս Բանկ>> ՓԲ ընկերության կողմից Դատարան է ներկայացվել հայցադիմումի պատասխան:

Երևան քաղաքի առաջին ատյանի ընդհանուր իրավասության դատարանի (դատավոր Ա. Սուքոյան) 03.11.2021 թվականի որոշմամբ հրավիրվել է նախնական դատական նիստ:

Երևան քաղաքի առաջին ատյանի ընդհանուր իրավասության դատարանի (դատավոր Ա. Սուքոյան) 11.08.2022 թվականի որոշմամբ կողմերի միջև բաշխվել է ապացուցման պարտականությունը:

Բարձրագույն դատական խորհրդի 30.01.2023 թվականի թիվ ԲԴԽ-1-Ո-Կ-3 որոշմամբ Երևան քաղաքի առաջին ատյանի ընդհանուր իրավասության դատարանի դատավոր Ալեքսեյ Սուքոյանի լիազորությունները դադարեցվել են:

20.03.2023 թվականին քաղաքացիական գործը վերամակագրվել, իսկ 23.03.2023 թվականին հանձնվել է դատավոր Մարինա Տաշյանի աշխատակազմին:

Երևան քաղաքի առաջին ատյանի ընդհանուր իրավասության դատարանի (դատավոր Մ. Տաշյան) 31.03.2023 թվականի որոշմամբ քաղաքացիական գործը ընդունվել է վարույթ և հրավիրվել է նախնական դատական նիստ:

06.11.2023 թվականին <<Կոնվերս Բանկ>> ՓԲ ընկերության ներկայացուցչի կողմից միջնորդություն է ներկայացվել դատարան՝ թիվ ԵԴ/39135/02/21 քաղաքացիական գործն ըստ ենթակայության ուղարկելու մասին:

Երևան քաղաքի առաջին ատյանի ընդհանուր իրավասության դատարանի (դատավոր Մ. Տաշչյան) 21.11.2023 թվականի որոշմամբ Թիվ ԵԴ/39135/02/21 քաղաքացիական գործն հանձնվել է ՀՀ սնանկության դատարանի քննությանը:

Թիվ ԵԴ/39135/02/21 քաղաքացիական գործ մակագրվել է ՀՀ սնանկության դատարանի դատավոր Ա. Բաբայանին՝ 28.11.2023 թվականին, թիվ ՍնԴ/1135/04/21 սնանկության գործի շրջանակներում քննելու համար:

Տվյալ դեպքում Դատարանը գտնում է, որ քաղաքացիական գործը պետք է ընդունել վարույթ և հրավիրել նախնական դատական նիստ:

Ելնելով վերոգրյալից և ղեկավարվելով <<Սնանկության մասին>> ՀՀ օրենքի 1-ին, 72-րդ հոդվածներով, ՀՀ քաղաքացիական դատավարության օրենսգրքի 5-րդ, 199-200-րդ հոդվածներով

Ո Ր Ո Շ Ե Ց Ի

Համբարձում Կարապետի Նամշալյանի, Մարինե Շադունցի Փիլոյանի, Մելանյա Կարապետի Նամշալյանի, Թագուհի Կարապետի Նամշալյանի ընդդեմ <<Կոնվերս Բանկ>> ՓԲԸ-ի՝ պայմանագրի նկատմամբ առոչինչ գործարքի անվավերության հետևանք կիրառելու պահանջի մասին, թիվ ԵԴ/39135/02/21 քաղաքացիական գործն ընդունել վարույթ և գործով նախնական դատական նիստ հրավիրել՝ 2024թ. հունվարի 18-ին, ժամը՝ 15:30-ին, Հայաստանի Հանրապետության սնանկության դատարանի շենքում /ք. Երևան, Օտյան փող. 53/2 շենք, դատական նիստերի դահլիճ թիվ 5/:

ԴԱՏԱՎՈՐ՝



Ա. ԲԱԲԱՅԱՆ





ՍՆԱՆԿՈՒԹՅԱՆ ԴԱՏԱՐԱՆԻ ԱԾԽԱՏԱԿԱԶՄ

0065, ք. Երևան, Օտյան փող. 53/2 շենք, հեռ.՝ (010) 74-28-90, snank@court.am.

ԴԴԱ-6-

28.11.2022թ.

ԵԴ/39135/02/21

Հայցվորներ՝ Համբարձում Կարապետի Նամշալյան
/հասցե՝ ՀՀ, ք. Երևան, Արհեստավորների 2 փ. 24/6/

Մարինե Շադունցի Փիլոյան
/ հասցե՝ ՀՀ, ք. Երևան, Արհեստավորների 2 փ. 24/6/

Մելանյա Կարապետի Նամշալյան
/ք. Երևան, Շենգավիթ 2 հանր. 620 բն./

Թագուհի Կարապետի Նամշալյան
/ք. Երևան, Ջուղայի 2 շ. բնակարան 9/

Պատասխանող՝ <<Կոնվերս Բանկ>> ՓԲԸ
/ք. Երևան, Վ. Սարգսյան փողոց, 2/

Ձեզ է ուղարկվում Հայաստանի Հանրապետության սնանկության դատարանի՝
28.11.2023թ. որոշումը՝ քաղաքացիական գործը վարույթ ընդունելու և նախնական դատական
նիստ հրավիրելու մասին:

Առդիր՝ <<2>> թերթ:

ԴԱՏԱՎՈՐԻ ՕԳՆԱԿԱՆ՝

ՀԱՍՄԻԿ ԳԵՎՈՐԳՅԱՆ